

Regio.

Nomina.

Situs.

Celi qualitas.

Soli fertilitas.

Animalium va-
rietates.Imperium majo-
rum.

Urbium nomina

INSULA hæc Marco Paulo Zipangri dicitur, olim *Chryse* Magino, Mercatori *Aurea Chersonesus*: Eam vulgo *Iaponiam* & *Iapan* vocant. Præcipuæ tres Insulæ sunt, Petro Maffei teste, circumfusus alijs minori-
bus interfluo Euripo disjunctæ. Prima & maxima *Iapan* dicta, in satrapias aut regna tria & quinquagin-
ta dividitur: quorum potentissima sunt, *Meaci* & *Amaguncij*. Secunda dicitur *Ximo*, habetque Regna
novem, in quibus præcipua sunt *Bungi* & *Eigen*. Tertia est *Xicon* quæ IV Regna continet. Totius terræ lon-
gitudinem ferme in duas, uti ferunt, leucas procurrit. Huic nequaquam respondet Latitudo: decem tan-
tum alicubi patet: summum xxx, non amplius. De ambitu nihil dum certi proditum est. Jacet ab Æquatore
in Arctum a trigesimo gradu ad trigessimum fere octavum. Ab Oriente obversa est Novæ Hispaniæ. A Septen-
trione Scythas vel Taitaros, & alios ignotæ feritaris populos, ab Occidente spectat Chineses. A Meridie, va-
sto Mari interfuso, inexploratas habet terras. Salubris hic Cœli temperies, frigori & nivib. regio valde obno-
xia, neq; admodum ferax. Mense Septembri Orizam, nonnullis etiam in locis Majo Triticum metunt: neque
ex eo panem ut nos conficiunt, sed genus quoddam Offæ, seu Polentæ. E terræ visceribus Incolæ varia eco-
diunt Metalla: & exteras longeq; distitas Nationes ea mercede pelliciunt. Estq; hæc Insula in tantum Auri ferax,
ut Marcus Paullus Venetus testetur suo tempore Palatium Regium aureis laminis tectum fuisse, haud aliter
quam apud nos magnæ domus Plumbo vel Cupro operiuntur. Arborea vel ad amœnitatem, vel ad fructum
ferunt haud absimiles nostris. Plurima vero varijs locis exsurgit Cedrus, tantæ proceritatis & crassitudinis, ut
inde Fabri Basilicarum Columnas, & cujuslibet quamvis capax Onerariæ malos efficiant. Ex animantium ge-
nere, Oves, Porcum, Gallinam, Anserem, sædasque alias domi haud quaquam alunt Iaponij. Campos & prata,
Boum, Equorumque militarium Aimenta; Saltus atque dumeta, Lupi, Cuniculi, Apri, Cervi, pererrant. E vo-
latilibus Phasiani, Anates amnicæ, Palumbes, Turtures, Coturnices, ac sylvestres Gallinæ cernuntur. *Iaponium*
omne nomen uni quondam parebat Imperatori, cui titulus *Vo*, seu *Dair*: quoad is diuturna pace in delicias
atque socordiam resolutus, Præfectis ac Satrapis ac præcipue *Cubis* (sic enim duo primarij vocabantur, quo-
rum alter deinde extinxit alterum) contemptui cœpit esse. Summus vero & potentissimus Iaponiorum ha-
betur ille quisquis Meacum & Meaco finitima nobilissima Regna (quem tractum communi nomine *Tensam*
nuncupant) armis atque arcibus occupavit. Ea loca ante aliquot annos obtinebat *Nobununga* Tyrannus. Hu-
jus in solium a conjuratis interempti, liberis ejusdem aut pollis, aut occisis, per factionem ac vim præcipuus è
Ducum numero *Faxiba* successit. Nunc autem *Taicofama* sive *Taico* Monarcha est Iaponiæ: *Iaponia* Urbs
primaria *Meacum*, Civitas maxima, cujus ambitus unum & viginti milliaria patuit, sed nunc bellis intestinis
Insulanorum tertia parte imminuta est. In hac summus magistratus Iaponiæ moratur, tribus Viris constans.
Sunt